



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-I/25-3-40-526-13/20**
Datum: **29.05.2023. godine**

«Agencija za vodno područje rijeke Save» Sarajevo rješavajući po zahtjevu pravnog lica JP „Autoceste FBiH” d.o.o., Mostar za izdavanje vodne dozvole za izgrađenu poddionicu autoceste na koridoru Vc, poddionica petlja Donja Gračanica- ulaz u tunel Pečuj, sa pristupnom saobraćajnicom na M17 i bočnim naplatnim mjestom, na osnovu člana 109. stav 1. tačke 2. i 9. Zakona o vodama («Službene novine Federacije BiH», broj 70/06), i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), **donosi**

RJEŠENJE **o vodnoj dozvoli**

1. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa 170. Zakona o vodama („Službene novine Federacije BiH”, broj 70/06) i članom 12. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH”, broj 92/07, 46/09, 79/11 i 88/12), na način pojašnjen u Prilogu 1, Poglavlje V, tačka 22. – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada u skladu sa tačkom IV podtačka 2. Odluke o visini posebnih vodnih naknada („Službene novine Federacije BiH”, broj 46/07). Preuzimanje propisanih obrazaca i detalje vezane izvršenje obaveza po osnovu plaćanja PVN korisnik prava iz vodne dozvole obveznik plaćanja će regulisati sa Odjeljenjem za naplatu vodnih naknada AVP Sava.
2. Korisnik objekta je obavezan je utvrditi ekvivalentni broj stanovnika (popunjavati obrazac (EBS) - Izvještaj o obračunu broja ekvivalentnih stanovnika i popunjene i ovjerene obrasce dostavljati mjesečno mjesno nadležnoj agenciji za vode, do 10-tog tekućeg mjeseca za prethodni mjesec), jer se količina otpadne vode i stepena njenog zagađenja vrši na osnovu jedinice mjere - jednog ekvivalentnog stanovnika (ES).
3. U ostalom dijelu rješenje ostaje nepromijenjeno.

Obrazloženje

JP „Autoceste Federacije BiH” d.o.o. Mostar, se zahtjevom broj: 05-10926/20, zaprimljenim 29.10.2020. godine, obratilo ovoj Agenciji za donošenje rješenja o vodnoj dozvoli za izgrađenu poddionicu autoceste na koridoru Vc, poddionica petlja Donja Gračanica- ulaz u tunel Pečuj, sa pristupnom saobraćajnicom na M17 i bočnim naplatnim mjestom.

Agencija je donijela rješenje o vodnoj dozvoli broj: UP-I/25-3-40-526-6/20 dana 16.04.2021. godine na koje je pravno lice JP „Autoceste Federacije BiH” d.o.o., Mostar izjavilo žalbu dana 29.04.2021. godine broj: 05-10926-4/21 Federalnom ministarstvu poljoprivrede, vodoprivrede i šumarstva kao drugostepenom organu. Drugostepeni organ je uvažio žalbu, donio rješenje broj: UP-II-11-21/2-142-1/21 od 24.06.2021. godine kojim je poništio tačku 4. i 5. predmetnog Rješenja i vratio predmet prvostepenom organu na ponovni postupak.

Prvostepeni organ je donio ožalbno rješenje kojim se podnosiocu zahtjeva daje tražena vodna dozvola i pored ostalog, u tačkama 4. i 5. nameće obavezu izvršavanja obaveza po pitanju posebnih vodnih naknada. Naime, tač. 4. i 5. prvostepenog rješenja, propisani su uslovi za plaćanje posebne vodne naknade za zaštitu voda od zagađenja u skladu sa čl. 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH”, br. 92/07, 46/09, 79/11 i 88/12).

U obrazloženju svog Rješenja drugostepeni organ traži da se navedena tačka 4. i 5. Rješenja obrazloži sa razlogom kojim se nameće obaveza plaćanja posebne vodne naknade.

U ponovljenom postupku utvrđeno je slijedeće:

Opće vodne naknade plaća kao registrovani djelatnik, a PVN za zaštitu voda po osnovu količine zagađenja vode nastale ispuštanjem otpadnih (oborinskih onečišćenih) voda kao posljedica sapiranja ostataka rasute nafte i naftnih derivata, sredstava za zaštitu od leda i posipnog materijala, čestica prašine, zemlje, kamena, abrazivnog materijala, potrošenih guma i sl. sa saobraćajnih površina. Obračunava se množenjem količine zagađenja voda u toku obračunskog perioda izraženog preko ekvivalentnog broja stanovnika (EBS) sa visinom ove PVN (a to je 2,00 KM po 1 ES (ekvivalentni stanovnik) ispuštene vode-Odluka o visini PVN, član IV, stav.). Obračunavanje i plaćanje PVN se vrši do 20. u mjesecu za prethodni mjesec.

Također je obavezan utvrditi ekvivalentan broj stanovnika (popunjavati obrazac EBS)- Izvještaj o obračunu broja ekvivalentnih stanovnika i popunjene i ovjerene obrasce dostavljati mjesečno mjesno nadležnoj Agenciji za vode, do 10-tog tekućeg mjeseca za prethodni mjesec), jer se količina otpadne vode i stepena njenog zagađenja vrši na osnovu jedinice mjere-jednog ekvivalentnog stanovnika (ES).

Naime, odredbom člana 2. tačka p) Uredbe o uslovima ispuštanja otpadnih voda u okoliš 1 sisteme javne kanalizacije („Službene novine Federacije BiH”, br. 26/20 i 96/20) (u daljem tekstu: Uredba) data je definicija oborinskih onečišćenih voda — to su otpadne vode koje nastaju ispiranjem oborinama s površina: autocesta, aerodroma i sličnih prometnih objekata, benzinskih crpki, radionica za popravak vozila sa nenatkrivenim radnim prostorom. U skladu s navedenom odredbom, JP Autoceste su za ispuštanje oborinskih onečišćenih otpadnih voda sa autocesta, dužni raditi monitoring otpadnih voda u skladu sa Uredbom.

JP Autoceste svojom djelatnošću izgradnje i korištenja izgrađenih saobraćajnica dovode do ispuštanja otpadnih voda u površinske vode ili njihovog indirektnog ispuštanja u podzemne vode, što su aktivnosti koje prema odredbama člana 109. stav 1. tač. 2., 3. i 9. Zakona o vodama podliježu obavezi pribavljanja vodnih akata, u konkretnom slučaju vodne dozvole.

Izdana vodna dozvola se periodično obnavlja tokom perioda eksploatacije shodno odredbama čl. 115. i 116. Zakona o vodama, gdje član 170. stav 2. istog zakona propisuje obavezu plaćanja posebnih vodnih naknada (PVN) za zaštitu voda, a shodno količini zagađenja izraženoj preko ekvivalentnog broja stanovnika (EBS) koju produkuju.

Odredbama člana 170. stav 1. tačka 3. alineja 1. Zakona o vodama i tačke 11. Pravilnika, propisano je da je obveznik plaćanja posebne vodne naknade za zaštitu voda za transportna sredstva koja za pogon koriste naftu i naftne derivate fizičko i pravno lice na čije je ime registrovano transportno sredstvo, odnosno vlasnik građevinske mašine za koju nije potrebna registracija. Shodno navedenom, fizička i pravna lica koja su vlasnici transportnih sredstava koja za pogon koriste naftu i naftne derivate, i na njihovo ime je registrirano transportno sredstvo, obveznici su plaćanja posebne vodne naknade za zaštitu voda, ali se to ne može dovesti u koliziju sa obavezom žalitelja za plaćanje PVN za zaštitu voda po osnovu ispuštanja otpadnih voda sa autoceste. Takođe to ne predstavlja duplo plaćanje PVN-a jer uticaj transportnih sredstava na vode ne nastaje samo njihovim korištenjem na autocesti i drugim saobraćajnicama nego i prije svega zbog korištenja nafte i naftnih derivata koje predstavljaju opasnost za vode i produkuju zagađenje i u kretanju i u mirovanju motornih vozila (npr. kod curenja goriva, popravki, havarija, odlaganja istrošenih dijelova i vozila i sl.)

Na osnovu izloženog i nakon uvida u dokumentaciju spisa predmeta koji su nam dostavljeni, te ispitivanjem i ocjenom istih, uz proučavanje važećih zakonskih propisa, ovaj organ nalazi da je tačka 4. i 5. Rješenja donesena pravilno i da je na zakonu osnovana.

Uputa o pravnom lijeku:


Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Dostaviti:

- JP „Autoceste FBiH“ d.o.o., Mostar
Ul. Adema Buća 20., Mostar
- AVP Sava, ISV-vodna knjiga
- sektor 50
- sektor 40 – arhiva
- oglasna ploča – AVP Sava

Po ovlaštenju:
Rukovodilac sektora za izdavanje
vodnih akata



Haris Ališehović
Haris Ališehović, dipl.inž.grad.